

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

13,5 milioiko gastua onartu da nekazaritza-ustiategietan inbertsioak egiten eta nekazari gazteei instalatzen laguntzeko

2014-2020ko LGPari atxikitako laguntza hauek europar funtsekin kofinantzatu dira FEADERen bitartez

Asteazkena, 2018.eko uztailak 25

Nafarroako Gobernuak Landa Garapen, Nekazaritza eta Abeltzaintzako zuzendari nagusiari 13.503.944 euroko guztizko urte anitzeko gastua baimentzea onartu du gaurko saioan, nekazaritza-ustiategietan inbertsioak egiten eta nekazari gazteei instalatzen laguntzeko. Nafarroako 2014-2020ko Landa Garapenerako Programari (LGP) atxikitako laguntza hauek 2018. urteko deialdiari dagozkio eta Europako Landa Garapenerako Nekazaritza Funtsaren (FEADER) bitartez kofinantzatu dira.

Hartara, aipatutako 13,5 milioi euroko zenbateko hori honela banatuko da:

-Nekazaritza-ustiategietako inbertsioak: 8 milioi euro 2020ko aurrekontuen kargura, FEADERen % 31ko kofinantzaketaz.

-Nekazaritza-ustiategietako ureztapen ekipamendurako inbertsioak: 2 milioi euro 2020ko aurrekontuen kargura, FEADERen % 31ko kofinantzaketaz.

-Nekazari gazteen instalazioa: 3.503.944 euro (1,7na milioi 2020an eta 2021ean), FEADERen % 65eko kofinantzaketaz.

Neurri hauek oinarritzat jo dira nekazaritza sektorearen garapenerako, bai ustiategien egokitzapen tekniko-ekonomikoari zein belaunaldi-arteke errelebua bermatzeari dagokionez, baita, oro har, landa munduko ekoizpen-ehunari, biztanleriari eta enpleguaren sorkuntza eta mantenimenduari dagokienez ere.